



Rabu , 06 April 2022

Ogen: Esekiel 34:1-10



PERMAKAN SI LA ERDIATE



Permakan eme si dahinna mpermakani, ntah e biri-biri ntah pe asuh-asuhen sideban. Biri-biri eme rubia si melemuk janah ia arus ipermakani: ibaba ku mbal-mbal, ku bas lau siteneng permalirna gelah ndatken lau guna inemen. Erkiteken melemuk, mbelin kal kesempatan ia ijerngem rubia-rubia simeliar emaka perlu kal ijagai. Ibas kalak Israel biri-biri enda la saja ibuat dagingna guna bahan pangan, susuna jadi inemen tapi pe mbuluna guna bahan uis.

Gambaren permakan ras biri-biri pe megati ipake jadi gambaren pemimpin Israel ras bangsana. Ibas renungenta enda, teridah kuga Dibata nuruh Esekiel guna ermomo kerna kesalahen pemimpin-pemin Israel, cilaka me ia sabab pemimpin-pemimpin si lit, kepeken ngukuri diri ras keperlunna saja. Desken permakan biri-biri si ndatken keuntungan guna keperlun geluhna tapi dahin ras tanggungjawab selaku permakan la ilakokenna. Ituriken maka kejam kal perbahanenna man biri-biri, ija si la megegeh arusna iarak-arak, si sakit itambari, siluka ibaluti, si papak iambari ras sibene idaram, tapi tanggungjawab e la sitik pe ilakokenna. Emaka permakan e iukum, la saja ibuat biri-biri e ibas ia nari, lanai ibere ia mpermakanisa, tapi ijadien imbang sipuna biri-biri e. Enda me permakan si la erdiate, permakan sibage rupana me igambarken desken pemimpin Israel.

Kita pe 'permakan' nandangi jabuta, nandangi perpulungen ras ijapa pe kita ringan. Iendesken Dibata tanggungjawab desken permakan. Marilah kita kerina dikune lit si terluka, sitambari, si kote siapuli, si lemah ipegegehi, si papak idarami. Jadi kalak si mediatelah kita, kalak si 'sensitif' ibas kerina kecibal geluh. Sabab kemediaten e arus 'iasah' gelah igejab ras inanami kalak sideban kiniulinta arah tanggungjawab si enggo ibereken man banta selaku kalak sitek. Ibas kerina kecibal erdiatelah kita.

➤ Dahiken dahinta, lakoken tanggungjababta